

**ZAHTEVI** "Avaz" u posjedu dokumenata

## **Ekskluzivno: Koje "gulenovce" u BiH traži Erdoan i šta je odlučio Sud BiH**

Prvi put da jedan mediji obavljuje sva njihova imena i koja im kazna prijeti u Turskoj

M. Aščić / Avaz.ba  
01.11.2019 16:15



Vlast u Ankari zvanično je putem Ministarstva pravde BiH do sada zatražila izručenje četiri državljana Turske koje režim predsjednika Tajipa Redžepa Erdoana traži zbog sumnje da su članovi, kako je naziva tamošnji režim, „naoružane terorističke grupe FETO“, čiji je osnivač Fethulah Gulen (Fethullah)“, ekskluzivno saznaje „Avaz“.

### **Sve jasno**

Iz Suda BiH nam je, međutim, potvrđeno da je ova pravosudna institucija odbila zahtjeve za izručenje, jer nisu ispunjene pretpostavke da državljani Turske, koji žive u BiH, budu izručeni matičnoj zemlji.

Iako ih Turska traži jer su navodno pripremali državni udar, stav BiH je jasan, a to je da FETO nije na spisku terorističkih organizacija Ujedinjenih naroda niti je djelo za koje se potražuju predstavlja krivično djelo po zakonodavstvu BiH. Prema podacima „Avaza“ riječ je o državljanima Turske koji su od 2016. godine nalaze u BiH, a to su Humejra Gokčen, Ozer Ozsaraj, Sedat Tozluk i Etem Erdomuš.

**Sud Bosne i Hercegovine**  
**Суд Босне и Херцеговине**

Broj: S1 3 K 026152 18 Kv 2  
Sarajevo, 27.02.2018. godine

Sud Bosne i Hercegovine u vijeću sastavljenom od sudija Minke Kreho, kao predsjednika vijeća, te Halila Lagumdžije i Željke Marenčić, kao članova vijeća, uz sudjelovanje zapisničara Asje Papo, odlučujući po zamolnici pravosudnih organa Republike Turske, odnosno Zamolnici Glavnog republičkog tužilaštva Ture, Republike Turske od 20.02.2017.godine za izručenje Humeyre Gokcen, za izručenje potraživane Humeyre Gokcen, u cilju vođenja krivičnog postupka zbog krivičnog djela pripadnost terorističkoj organizaciji i finansiranje terorizma što je kažnjivo po članu 220. stav 7., članu 314. stav 3 i članu 314 stav 2. Krivičnog Zakona R. Turske broj 5237, te članovima 3. i 5. Zakona o borbi protiv terorizma R. Turske broj: 3713, kao i članu 4. Zakona o sprečavanju finansiranja terorizma R. Turske broj: 6415, na osnovu člana 45. stav 1. u vezi sa članom 43. stav 1. Zakona o međunarodnoj pravnoj pomoći u krivičnim stvarima („Službeni glasnik BiH“, broj: 53/09 i broj:58/13), dana 04.04.2017. godine, nakon vijećanja i glasanja, dana 27.02.2018. godine, donio je:

**R J E Š E N J E**

Utvrđuje se da nisu ispunjene sve zakonske pretpostavke za izručenje iz Bosne i Hercegovine u R. Tursku potraživane Humeyre Gokcen, kći Nuri i majke Safije, rođena 03.11.1993. godine u Tire/Ismir, Republika Turska, sa registrovanim prebivalištem u ..., ID ..., državljanka Republike Turske, putna isprava broj: ... (prema izjavi potraživane oduzeta od strane Ambasade R. Turske), lična karta R. Turske broj ..., privremeno nastanjena u ..., a u cilju vođenja krivičnog postupka pred pravosudnim organima R. Turske, pripadnost terorističkoj organizaciji i finansiranje terorizma što je kažnjivo po članu 220. stav 7., članu 314. stav 3 i članu 314 stav 2. Krivičnog Zakona R. Turske broj 5237, te članovima 3. i 5. Zakona o borbi protiv terorizma R. Turske broj: 3713, kao i članu 4. Zakona o sprečavanju finansiranja terorizma R. Turske broj: 6415.

**O b r a z l o ž e n j e**

Dana 29.08.2017. godine Sud Bosne i Hercegovine zaprimio je Prijedlog Tužilaštva Bosne i Hercegovine broj T20 0 KTPOM 0014118 17 od 29.08.2017.godine, sa prilogima (Prijedlog i molba za izručenje sa dokumentacijom), u kom Prijedlogu se

Faksimil rješenje Suda BiH o odbijanju izručenja Gokčen Foto: Avaz

Faksimil rješenje Suda BiH o odbijanju izručenja Gokčen

Molbe za Gočken, Erdomuša i Ozsaraja, odbijene su 2017.odnosno krajem 2018.godine.

Kada je u pitanju Tozruk, saznajemo da je Turska zatražila da se on uhapsi i izruči 30.januara ove godine. No, i taj je zahtjev odbijen, čime je on ostao da živi u BiH.

Turska u zahtjevu navodi da je za krivično djelo za koje su sumnjiče ovi državljani propisana kazna zatvora u trajanju od 7,5 do do 15 godina zatvora.

No, kada je u pitanju nedavni zahtjev predsjednika Erdoana da mu se ultimativno izruči 10 državljana Turske i to nakon sastanka u Predsjedništvu BiH, s članovima ove institucije, saznajemo da zvanično još nikada nije upućena molba pravosudnim institucijama za postupanjem.



**Sud Bosne i Hercegovine  
Суд Босне и Хецеговине**

---

Broj: S1 3 K 024358 17 Kv  
Sarajevo, 04.04.2017. godine

Sud Bosne i Hercegovine u vijeću sastavljenom od sudija Medihe Pašić, kao predsjednika vijeća, Zorana Božića i Mire Smajlović, kao članova vijeća, uz sudjelovanje zapisničara Ivke Kafedžić, rješavajući po zamolnici pravosudnih organa Republike Turske, odnosno Vrhovnog javnog tužilaštva Kutahja od 15.12.2016.godine, dostavljenoj ovom Sudu dana 03.02.2017. godine, putem note Ambasade Republike Turske u Sarajevu broj: 2017/11501247-Saraybosna BE /11899077 od 25.01.2017.godine, za izručenje potraživanog Erdoğmuş Etem, u cilju vođenja krivičnog postupka zbog krivičnog djela članstvo u naoružanoj terorističkoj organizaciji iz člana 314/2 Krivičnog zakona R.Turske, Zakon broj: 5237 i 3713/1, na osnovu člana 45. stav 1. u vezi sa članom 43. stav 1. Zakona o međunarodnoj pravnoj pomoći u krivičnim stvarima („Službeni glasnik BiH“, broj: 53/09 i broj:58/13), dana 04.04.2017. godine, nakon vijećanja i glasanja, donio je:

**RJEŠENJE**

Utvrđuje se da nisu ispunjene sve zakonske pretpostavke za izručenje iz Bosne i Hercegovine u R. Tursku potraživanog Erdoğmuş Etema, sin Ali Dogana i majke Penbe, rođen 22.01.1963. godine u mjestu Kutahja, R. Turska, državljanin R. Turske, ID broj ..., trenutno nastanjen ..., a u cilju vođenja krivičnog postupka pred pravosudnim organima R. Turske, zbog krivičnog djela članstvo u naoružanoj terorističkoj organizaciji iz člana 314/2 Krivičnog zakona R.Turske, Zakon broj: 5237 i 3713/1.

**Obrazloženje**

Dana 03.02.2017.godine Sud BiH je zaprimio od Ministarstva pravde BiH dopis broj: 08-14-7-618/17 od 31.01.2017.godine kojim je dostavljena Nota Ambasade Republike Turske u Sarajevu broj: 2017/11501247-Saraybosna BE /11899077 od 25.01.2017.godine, a uz koju je priložena molba Vrhovnog javnog tužilaštva Kutahja od 15.12.2016. godine za izručenje potraživanog Erdoğmuş Etema, sa propratnom dokumentacijom. Navedena molba Sudu je dostavljena na znanje, dok je ista primarno bila naslovljena na nadležnost i postupanje Tužilaštvu BiH.

## **Koji profesori**

Za ove je osobe samo zatraženo od Ureda za poslove s strancima poništenje pasoša i ukidanje boravišne dozvole. Nezvanično, riječ je osim profesora Alija Lafcioglua, za kojeg je postupak obustavljen i o građanima Neđli Javuz, Aliju Ogeu, Mehmedu Afačanu, Ismailu Sozuru, Abdulahu Pamukču, Okaju Ozbalu.

Sud je, kako je nedavno naveo njihov advokat Nedim Ademović, donio rješenja kojima se zabranjuje organima BiH da do okončanja sudskog postupka izvršavaju rješenja bh. sigurnosnih institucija.

### **Šta je s porodicom Kara**

Uoči prošlogodišnje posjete predsjednika Turske Erdoana Sarajevu, na Aerodromu Sarajevo uhapšani su članovi porodice Kara, jer su s tri lažna pasoša pokušali ući u BiH.

I članove ove porodice, prema nezvaničnim informacijama „Avaza“, vlast u Ankari sumnjiči za pripadnost organizaciji Gulena.

To je jedan od razloga zašto su od bh. vlasti nakon privođenja zatražili međunarodnu zaštitu - azil.

Ekrem Kara, kako je objavila turska novina „Gaziantep Olusum“, bivši je docent na Univerzitetu u Gaziantepu, koji je u septembru 2016. protjeran s još 74 profesora zbog sumnje da su bili u kontaktu s organizacijom FETO.